

Comité-Schnitzelbänke



D'Parfümerie-Diddi!

(Alt Basler Wäscheremaidli)

1. Nach der Melodie
«Z'Basel an mim Rhy»,
Sing-i eich e Schnitzelbank,
Iber all's, was faul und krank
Im Land u. z'Basel, z'Basel an mim Rhy!
2. Es schreit der roti Fritz
S'sig e Schand fir d'Schwiz,
Der Hitler scho in Aarau sei,
Der Bircher drib G'heimbündelei.
«Git's no-n-e dimmre z'Basel an mim Rhy?»
3. Me zichtet Silberfiggs,
Damit me siner Schiggs
E silbrig's Belzli schängge ka;
Fend doch ebbis g'scheiter's a,
Zichtet lieber Goldfiggs fir der Staat!
4. Kai Landsgi wohnt me gärn
In der Polizeikasärn!
Pfund ain bi sim Schatzibai
Und kunnt erscht nach der zwelfe hai
Der Vormund vom Lohnhof schribbt
em Strofklass uff!
5. Der Zukunfts-Näppi spricht:
«Das isch e suubri G'schicht;
Die Deggtre dert im Frauespittel
Hänn gar arge Drägg am Kittel
Dä mecht i butze mit russischem Benzin!»
6. In der Falknerstros
Isch der Deifel los,
D'Schugger schleen mit Seebel druff,
Heeret mit däm Bleedsinn uff;
»S'dät's au d'Firwehr mit-e-me Hydrant».
7. «Bisch sächzäh Jahr du alt,
Luegsch ob der aine g'fällt;
Wotsch e-n-Archideggt du ha
Wo Schnäggehisi baue ka
Dä grieg'sch am beschte bim Bau-
departement».
8. Am Bahnhof froggt e Heer:
«Wo isch, i bitt si sehr,
S'Bolizeiinspäggtorat?»
Do sait dä Dienschtma «gehn si grad
In Schtärne, in Schtärne, in der Aesche
duss!